



Inatsisartuni ilaasortaq
Saxdorph Didriksen, Siumut

Asasara Saxdorph Didriksen,

Apeqqummut nr. 092-2014-imut akissut.

Allakkannut 8. aprillimeersumut qujanaq, tassani apeqqutigalugu Tuapannguani, Qinggorpumi inissiaarsuarni aamma SANA-p inissiaataanni aneerasaartarfiit iluarsaanneqarnerat sumut killinnersoq.

Illunik piginnittoq Illuut A/S tamanna pillugu paasissutissanik piniarfigaara. Illuut A/S imatut ilisimatitsissuteqarpoq:

"Paasineqarpoq, Tuapannguani, Qinggorpumi inissiaarsuarni aamma SANA-p inissiaataanni aneerasaartarfiit ungalullu illuliornermut maleruagassani malittarisassat peqqussutillu nalinginnaasut malillugit pilersaarusiorneqarsimasut. Kisiannili sananeqarnerini pilersaarutit uniorneqarsimapput, taamaalillunilu sannarluttoqarsimasoq inerniliissutigineqarsinnaavoq.

Aamma paasineqarpoq, sanaartornerup tassunga tunngasortaa naammaginatsumik pitsaassusilimmik nakkutigineqarsimanngitssoq, tassami kukkunerit sananerup nalaani tunniussinermiluunniit malugineqarsimanngillat.

Tassalu aneerasaartarfiit ungaluisa iluarsineqannginnerinut sananermi kukkuneq peqquataavoq, taamaattumillu entreprenørp taamaallaat kukkunerimik iluarsiinissaq akisussaaffigaa. Entreprenøri Permagreen A/S nalunaaruteqarpoq, sananermi kukkunerit iluarsineqarsimasut misissorneqarsimasullu".

Tamatumunnga ilassutigalugu oqaatigisinnaavara, tamannarpiaq sanaartukkanik piginnaaneqarfiusumik nakkutilliinissap qulakkeerneqarnissaata pingaaruteqartorujussuuneranut assersuutissaammat, tamannalu uanga eqqumaffigilluarakku.

Sanaartornermi kukkunerit amigaatillu ikinnerulernissaannut maani nunatsinni ilinniartitseqqittarneq aammalu piginnaanernillu annertusaaneq aqqutissat ilagimmassuk Naalakkersuisut qularinngilaat.

Tamanna pissutigalugu Ineqarnermut Naalakkersuisoqarfiup Byggecentrum aamma Statens Byggeforskningsinstitut suleqatigalugit sanaartukkanik aqutsinermut pikkorissartitsinermik anguniagaqarfiusumik ineriartortitsivoq, taassumalu 20.-22. maj 2014-imi ingerlanneqarnissaa pilersaarutigineqarpoq.

Pikkorissartitsinissap sanaartornermi suleqataasunit annertuumik taparserneqarnissaa neriuutigisorujussuuaara, taamaalilluni nunatsinni tamaani innuttaasunut tamanut iluaqutaasumik nuannaarutaasumillu sanaartornerup pitsaanerulernissaa

09-04-2014

Sags nr. 2014-098532

Dok. nr. 1545128

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: laan@nanoq.gl

www.nanoq.gl

akikinnerulernissaalu anguniarlugu sanaartornerup eqqumaffigineqarnera
annertunerulersinnaammat.

Inussiarnersumik inuulluaqqusilunga


Siverth K. Heilmann